



## МЕСЯЦА НОЯБРЯ В 13-й ДЕНЬ

Иже во святых отца нашего Иоанна,  
архиепископа Константинограда, Златоустаго

НА МАЛОЙ ВЕЧЕРНИ

Стихиры на 4, глас 1.

Подобен: Небесных чинов:

**К**рестителя подражал еси тезоименного добре воздержанием, отче, / и Илию великаго постом и чистотою: / ревностию уязвлен обоих, Златоусте, / на царское величество смельствуеши, / яко пастырь Церкви Христова.

Божественным вдохновением Слова / протек, по писанному, всю землю, / вещание догматов твоих, отче, просвети мир: / отверзл еси нам покаяния вход, / нищих попечением изображая Христова Евангелие.

Чистый души твоея и нескверный свет / солнечных лучи осиявает миру догматов благочестия, / отче мудре Иоанне Златоусте, / и мглу отгонит, / и просвещает вселенную ко благочестию.

Слава, глас 4:

Был еси, Златоусте, Богодохновенный орган, / чрез егоже нам Дух Святой провозгласи: / благознаменитым бо гласом / протече концы вещание учений твоих, / и, подражатель быв апостолов, преподобне, / лик постиже оный, егоже вожделел еси. / Молися Господу, всеблаженне, / умирить мир и спасти души наша.

**И ныне, Богородичен:**

**Избáви ны от нужд нáших, Мáти Христá Бóга, / рóждшая всех Творцá, / да вси зовём Ти: / рáдуйся, едíна предстáтельство душ нáших.**

**На стихóвне стихíры, глас 2.**

**Подóбен: Дóме Евфрафов:**

**Трубá златовíдная, / свéтло вопию́щи Бóжия вели́чия, / показáлся есí, Иоáнне, мíра в концéх.**

**Стих: Уста́ моя возглаго́лют премúдрость, / и поучéние сёрдца моего́ рáзум.**

**Закóн, я́коже Моисéй, прия́л есí от Гóспода, Златоúсте, / мир умудря́я и просвещáя / Божéственными тво́ими учéнии.**

**Стих: Священницы Тво́й облеку́тся в правду, / и преподóбнии Тво́й возра́дуются.**

**Проповéдник я́ко йстинно Божéственного ца́рствия / был есí, Златослóве, вопия́: / пока́йтесь, погружа́я отча́яние.**

**Сла́ва, глас и подóбен то́йже:**

**Тро́ицы Честны́я во единоначáлие научи́л есí véровати, / Отца́, Сло́ва, Ду́ха, / Златоúсте, óтче наш.**

**И ныне, Богородичен:**

**Де́во, из Тебе́ рóждшагося Бóга Сло́ва / моли́, Богородице, с Златослóвным Иоáнном, / е́же спаси́ души́ нáша.**

**Та́же, Ны́не отпуща́еши: Трисвято́е. По Отче наш: Тропарь, глас 8: Уст твоих: (зри страницу 392). Сла́ва, и ныне, Богородичен: И́же нас рáди:**

**НА ВЕЛИ́ЦЕЙ ВЕЧÉРНИ**

**Стихологису́ем Блаже́н муж: 1-й антифо́н.**

**На Гóсподи, воззва́х: стихíры на 8, глас 4.**

**Подóбен: Я́ко до́бля:**

**Златоковáнную трубу́, Богодохнове́нный о́рган, / догма́тов пучи́ну неисчерпа́емую, / Це́ркве утвержде́ние, / ум Небе́сный, премúдрости глуби́ну, / ча́шу всезлату́ю, / излива́ющую ре́ки учéний медото́чных и напая́ющую тварь, / пёсненно воспо́йм.**

**Звездú незаходя́щую, / заря́ми просвещáющую учéний всю подсо́лнечную, / пока́яния проповéд-**

ника, / губу всезлатую, / мокроту лютую неведения  
вземлющую / и орошающую истаявшая сердца  
грехми, / Иоанна достойно Златословеснаго  
почтим.

**Земный Ангел и Небесный человек, / ластовица  
благотворительная и многоязычная, / добродетелей  
сокровище, / камень наразседный, верных вообра-  
жение, / мучеником подобен, / равностоятель свя-  
тых Ангел, / апостолов единоправен, / в песнях да  
возвеличится Златоуст.**

**Глас 2:**

**Дом духовный одеянии, яко камени,  
согражден / и мир покрывай, / премудрый Злато-  
уст.**

**Дом духовен благодати всей / слова премудро-  
сти явися, внутрь имый, / Златоусте блаженне.**

**Глас 5:**

**Дом священных добродетелей священный / себе  
совершил еси, / в тебе бо жилище, / яко во святом  
храме и честнейшем, отче, / положи, премудро  
окормив, / и чувства телесная, / яко в неокрадоме  
сокровищи, / соблюл еси помышления страстных  
смущений, / отнюдуже Боговиднейши, преблажен-  
не, быв, / Церкви предстательством украшен, /  
Христа моли, / подающего миру велию милость.**

**Слава, глас 6:**

**Преподобне, преблаженне, святейший отче, /  
пастырю добрый и началопастыря Христа учени-  
че, / положивый душу за овцы: / сам и ныне,  
всеблагохвальне Иоанне Златоусте, / проси молит-  
вами твоими / даровати нам велию милость.**

**И ныне, Богородичен: Кто Тебе не ублажит:**

**Вход, прокимен дне и чтения.**

**Притчей чтение (главы 10, 3, 8):**

**Память праведнаго с похвалами, / и благослове-  
ние Господне на главе его. / Блажен человек, иже  
обрете премудрость, / и смертен, иже уведет разум. /  
Лучше бо сию куповати, / нежели злата и сребра  
сокровища. / Честнейшая же есть камней много-  
ценных, / все же честное недостойно ее есть. /  
Долготы бо дней и лета живота в деснице ее, / в**

шуйце же ея богатство и слава. / От уст ея исходит правда, / закон же и милость на языке носит. / Послушайте убо мене, о чада! / честная бо реку: / и блажен человек, иже пути моя сохранит: / исходи бо мой — исходи живот, / и уготовляется хотение от Господа. / Сего ради молю вас / и предлагаю мой глас сыновом человеческим. / Яко аз, премудрость, устроих совет, / и разум, и смысл аз призвах. / Мой совет и утверждение, / мой разум, моя же крепость. / Аз мене любящая люблю, / ищущии же мене обрящут благодать. / Разумейте убо, незлобивии, коварство, / ненаказаннии же, прилагайте сердца. / Послушайте мене и паки, честная бо реку, / и отверзу от устен правая, / яко истине поучится гортань моя, / мерзски же предо мною устны лживыя. / С правдою вси глаголы уст моих: / ничтоже в них стропотно, ниже возвращенно. / Вся права суть разумевающим / и проста обретающим разум. / Научаю бо вас истине, / да будет о Господе надежда ваша, / и исполнитесь Духа.

**Премудрости Соломоновы чтение (главы 10, 6, 8, 9):**

Уста праведнаго каплют премудрость, / устне же мужей мудрых ведут благодать. / Уста мудрых поучатся премудрости, / правда же избавляет их от смерти. / Скончавшися мужу праведну, не погибнет надежда. / Сын бо праведен раждается в живот / и во благих своих плод правды объимет. / Свет праведным всегда, / и от Господа обрящут благодать и славу, / язык мудрых добрая свесь, / и в сердце их почиет мудрость. / Любит Господь преподобная сердца, / приятни же Ему вси непорочнии в пути. / Мудрость Господня просвещает лице разумнаго: / постигает бо желающия ю, / прежде даже разумети ю, / и удобь узрится от любящих ю. / Утреневавый к ней не утрудится, / и бдяй ея ради вскоре без печали будет. / Яко достойных ея сама обходит, ищущи, / и во стезях ея является им благоприемне. / Мудрости никогдаже одолеет злоба. / Сих ради и рачитель бых доброты ея, / и возлюбих ю, и поисках от юности моея. / И взысках невесту привести себе, / яко всех

Владыка возлюбил ю. / Тайбница\* бо есть Божия хитрости / и обретательница дел Его. / Труды ея суть добродетели: / целомудрию же и разуму та учит, / правде и мужеству, / ихже потребнее ничтоже есть в житии человеком. / Аще же и многоискусства желает кто, / весть древняя и быти хотящая разсмотрит: / свесть извѣтия словес и разрешенія гаданий, / знаменія, и чудеса проразумѣет, / и сбытія времѣн и лет, / и всем советникъ есть благ. / Яко безсмертіе есть в ней / и благославіе во общеніи словес ея. / Сего ради бесѣдовахъ ко Господу, / и помолихся Ему, / и рехъ отъ всего сердца моего: / Божѣ отцевъ и Господи милости, / сотворишь вся Словомъ Твоимъ / и мудростию Твоею устроивый человека, / да владеетъ бывшими от Тебѣ тварями / и да управляетъ миръ в преподобіи и правде, / даждь ми Твоихъ Престоловъ присѣдѣющую премудрость / и не отлучи мене отъ отрокъ Твоихъ, / яко азъ рабъ Твой и сынъ рабыни Твоея. / Посли ю с Небесъ отъ святаго жилища Твоего / и отъ Престола славы Твоея, / да, сущи со мною, научитъ мя, / что благоугодно есть предъ Тобою, / и наставитъ мя в разумъ, / и сохранитъ мя в славу своей. / Помышленія бо смертныхъ вся боязлива / и погрешительна умышленія ихъ.

**Премудрости Соломоновы чтеніе (главы 4, 6, 7, 2):**

Похваляему праведнику возвеселятся людие: / безсмертіе бо есть память его, / яко отъ Господа познавается и отъ человеков, / и угодна Господу душа его. / Возлюбите убо, о мужие, мудрость и поживете, / восхощите ея и наказани будете, / Начало бо ея — любви и соблюденіе закона. / Почтите премудрость, да во веки царствуете. / Возвещу вамъ и не скрѣю отъ васъ тайнъ Божіихъ, / яко Той мудрости Наставникъ есть, / и мудрыхъ Исправитель, / и всякому смыслу и делу Хитрецъ. / И всемъ смысломъ научитъ мудрость: / есть бо в ней Дух Разуменъ и Святъ, / и сияніе Свѣта Присносущнаго, / и образъ благодати Божія; / та я други Божія и пророки устроаетъ. / Благолѣпнейши же есть солнца / и паче всякаго сотворенія звездъ, / свѣту

\* тайбница — тайнослужительница

сосуждаема, обретается первейши. / Та́я, угожда́-  
 ющая ей, от болéзни избáви / и наста́ви на стези́  
 пра́вья. / Дадé им ра́зум имéти свят, / и сохрани́ от  
 ловящих, / и по́двиг крéпок подадé им. / Да разуме́-  
 ют вси, / яко си́льнейши всего́ есть благочéстие. / И  
 никогдáже премóжет злóба мýдрости, / ниже́ прей-  
 дет, злы́я облича́ющи, суд. / Реко́ша же в себé,  
 помы́сливше непра́ведно: / насильствуем  
 пра́веднаго / и не пощади́м преподóбства егó, / ни  
 усра́мимся седи́н ста́рости многолétны. / Бúдет бо  
 нам крéпость закóн, / и улови́м пра́веднаго, / яко  
 неуго́ден нам есть: / и протíвится делóм на́шим, / и  
 понóсит нам отпадéние закóна, / и облича́ет нам  
 согрешéния наказáния на́шего. / Возвещáет нам  
 ра́зум имéти Бóжий / и óтрока Господ́ня себé  
 имену́ет. / Бысть нам на обличéние помы́шлений  
 на́ших, / и тяжек нам есть, и ви́димь: / яко неподóбно  
 инým житиé егó, / и изменéны стези́ егó. / В  
 поругáние вмени́хомся ему́: / и удаля́ется от путéй  
 на́ших, яко от нечистóт, / и блажит послéдняя  
 пра́ведных. / Уви́дим úбо, / áще словеса́ егó́ истин-  
 на суть, / иску́сим, я́же сбывáются ему́. / Ругáнием  
 и мýкою истя́жем егó, / да разуме́ем крóтость егó, / и  
 иску́сим беззлóбство егó: / смéртию безобразною  
 осудим егó, / бúдет бо посещéние от словéс егó. /  
 Сия́ помы́слиша и прельсти́шася: / ослепи́ бо я́  
 злóба их. / И не разуме́ша та́ин Бóжиих, / и не  
 разсуди́ша, яко Ты еси́ Бог Еди́н, / животá имейи́ и  
 смéрти власть, / и спаса́яй во вре́мя скóрби, / и  
 избавля́яй от всякаго злá. / Щедр и мýлостив, / и  
 дайи́ преподóбным Своим́ благодáть, / и Своёю  
 мýщицею гóрдым противля́йся.

**На литий стихира храма и святаго самогласны,  
 глас 1. Анатолиево:**

Светильниче Иоáнне, уста́ златосия́нная, /  
 удобре́ние Богоде́янных добродéтелей, / обита́ли-  
 ще писáний тайноначáльных: / ты пречы́стое,  
 Всесвята́го Ду́ха нетлénное сокро́вище был еси́, /  
 отню́дуже возвесели́л еси́ всю Цéрковь / спаси́-  
 тельным твоим́ слóвом сýщим, / дерзнове́ние úбо  
 обрёт к Бóгу, / в наслаждéнии Гóрняго насле́дия /  
 моли́ся о нас, óтче святéйший.

**Излия́ся благодáть во устна́х твои́х, / преподóб-**

не ѳтче Иоанне Златоусте, / сего ради помаза тя Бог архиерея людем Своим, / паствити паству Его в преподобии и правде. / Темже, препоясан оружием Сильнаго, / пресекл еси языковредия ересей, / и ныне не престай моляся / умирити мир и спасти души наша.

### Глас 2. Студитово:

Тя, великаго архиерея и паствыря, / незлобива и преподобна, / покаяния проповедника, / златословесная уста благодати, / восхваляюще любовью, молимся: / преподаждь нам молитвы твоя, ѳтче, / во спасение душ наших.

### Георгия Никомидийскаго:

Златыми словесы твоими, / Церковь, яко утварию златою, украсившися, / Иоанне Златоусте, / невестнически радуящися, вопиет тебе: / насытись от твоих златоточных вод, / украсившися златотканными и медозлатыми питиим; / от деяния бо в видение возвождуся / кратких ради твоих поучений / и со Христом, умным Женихом, соединяюся, царствующи с Ним. / Тем и мы, совокупльшися в память твою, зовем: / не престай моляся за ны ко Господу, / еже спасти души наша.

Приял еси, иерарше, Горнейшую философию / и вне мира был еси, / живя вышше видимых, / и зеркало нескверное Божие Божественно показался еси, / и сый, присно соединен Светом, / свет принимал еси, / и яснейший блаженный получил еси конец. / Молись, Златоусте, о душах наших.

### Глас 4:

Глаголы златозарнейшими / землю яве напоил еси, / златоточиву имея душу же и тело, всеблаженне, / вся позлатив словесы твоими, / златоделателю догматов твоих, / и, книги написав златописанныя, / возлетел еси на Небеса. / Тем вопием ти: / златоточиве и Златоусте, / Христа Бога моли спасти души наша.

### Слава, глас тойже.

### Германово:

Подобаше Царствующему градѳв / Иоанна имети архиерея, / якоже некую утварь царскую / и златокованную трубу, / вся оглашающу концы

спасительными догматы / и вся совоздвигущую к ревности пений Боголепных. / К нему же возопи-  
им: / златослове и Златоусте, / Христа Бога моли спасти души наша.

**И ныне, Богородичен:**

Тя стену стяжачом, Богородице Пречистая, / и благоутешное пристанище, и утверждение, / тем же молим, иже в житии обуреваемии, / управи и спаси ны.

**На стиховне стихиры, глас 5.**

**Подобен: Радуйся:**

Радуйся, златозарный и красный / Церкви Богодохновенный органе; / языке, человеколюбно покаяния / нам различные образы подписующий; / уме златозрачный; / ластовице златоустая; / голубице же, псаломски междорамиями златосияющая / добродетелей на злце; / струя златовиднейшая, / проливающая воды; / уста Божественная / и Божественного человеколюбия поручительная, / Христа моли низпослати душам нашим велию милость.

**Стих: Уста** моя возглаголют премудрость, / и поучение сердца моего разум.

Радуйся, сирот отец, / обидимых быстрая помощь, / убогим подающие, алчущим пища, / грешащих исправление, / душ благоутешнейший врач и честнейший, / Богословия высокое известие, / сказание писаний духовных, / закон действительнейший, / правило правейшее, / видения и деяния премудрости крайнейшая, / Христа низпослати душам нашим моли велию милость.

**Стих: Уста** праведного поучатся премудрости, / и язык его возглаголет суд.

Радуйся, Церковь вопиет ти, / жениху своему, о Златоусте! / Просиявший во всем мире паче луч солнечных / добродетельми и словесы бисерными, / паче мудрых премудрейший / и риторов превысочайший, / истинных догмат поборниче, / лжи обличителю, покаяния учителю. / Радуйся, тишайшая знания пучино, / иже, по Павлу великому, уста и ум наследовав Христов. / Егоже моли душам нашим дати велию милость.



**Сла́ва, глас 6:**

**Труба́** златогла́сная показа́лся еси́, / златогла-  
го́ливе Златоу́сте, / златоде́йствуя сердца́ ве́рных /  
златотру́дными твоими́ учéнии, / проро́чески бо  
изы́де вещáние исправл́ений твои́х, преподо́бне  
о́тче, / и ми́ра всего́ концы́ просвети́л еси́.

**И ны́не:** Творе́ц и Изба́витель мой:

**На благословéнии хлéбов тропáрь свята́го**  
двáжды и Богорóдице Дéво, ра́дуйся: еди́ножды.

**Тропарь святителя, глас 8:**

**У**ст твои́х, я́коже свéтлость огня́ возсия́вши,  
благодáть / вселéнную просвети́: / не сребролю́-  
бия ми́рови сокрови́ща сниска́, / высоту́ нам сми-  
ренномúдрая показá, / но, твоими́ словесы́ нака-  
зúя, о́тче Иоáнне Златоу́сте, / моли́ Сло́ва Христа́  
Бо́га спаст́ися душáм нáшим.

**А идéже всенóщное бдéние не бывáет, по**  
тропарé: сла́ва, и ны́не, Богорóдичен и отпу́ст.

**НА УТРЕНИ**

**На Бог Господь: тропáрь двáжды. Сла́ва, и ны́не,**  
Богорóдичен воскрéсный.

**По 1-ом стихослóвии седа́лен, глас 1.**

**Подóбен:** Лик А́нгельский:

**Златообра́зная звезда́, земным́ возсия́л еси́,**  
Златоу́сте, свéтло, / Иоáнне всеблаже́нне, / просве-  
щáя концы́ заря́ми словéс твои́х. / Тем днесь  
всесвяту́ю твою́ пáмять прáзднующе, / грехóв всех  
прóсим оставл́ения.

**Сла́ва, и ны́не, Богорóдичен:**

**Безневéстная Чíстая Богорóдице Дéво, / еди́на**  
ве́рных Предстáтельница и Покрóве, / бед и скор-  
бей и лю́тых обстоя́ний вся изба́ви / на Тя  
упова́ние, Отрокови́це, имúция / и дúши нáша  
спаси́ Божéственными́ моли́твами Твоими́.

**По 2-ом стихослóвии седа́лен, глас 5.**

**Подóбен:** Собезначáльное Сло́во:

**Цветника́ словéс Богодохновéнных писáний, /**  
наставля́ющаго нас к пока́нию, / мно́гая искуше́-  
ния претерпéвша, / Златоу́стаго, ве́рнии, я́ко на-  
учи́вшися от него́, почт́им по до́лгу: / моли́тся бо  
Гóсподу спаст́ися душáм нáшим.

**Сла́ва, и ны́не, Богоро́дичен:**

Ужа́сно чу́до зача́тия / и несказа́нен о́браз  
рождества́ в Тебе́ позна́ся, Присноде́во Чы́стая, /  
ужаса́ет мой ум и уди́вля́ет помышле́ние, / сла́ва  
Твоя́, Богоро́дице, всем простре́ся ко спасе́нию  
душ на́ших.

**По полиеле́и седа́лен, глас 8.**

**Подобен:** Премудрости:

Сокро́вище яви́лся еси́ духо́вное Божество́нны-  
ми твои́ми словесы́, / я́ко войсти́нну ми́ра, Злато-  
у́сте, просия́в конце́м, / бога́тство спаси́тельное  
всем по́дал еси́, / наста́вляя, блаже́нне, лю́ди к  
покая́нию. / Тем и тече́ние соверши́в жити́я, /  
Престо́лу предстои́ши Вы́шняго, приснопа́мятне  
Иоа́нне Златоу́сте, / моли́ Христа́ Бо́га грехо́в  
оставле́ние дарова́ти / пра́здную́щим любо́вию  
святу́ю па́мять твою́.

**Сла́ва, и ны́не, Богоро́дичен:**

Небе́сную дверь и киво́т, / пресвяту́ю го́ру,  
свётлый о́блак воспои́м, / неопали́мую купину́,  
словесный рай, / Ё́вы воззва́ние, вселенны́я все́й  
вели́кое сокрови́ще, / я́ко спасе́ние в Не́й соде́лася  
ми́ра и оставле́ние дре́вних согреше́ний. / Сего́  
ра́ди вопие́м Ей: / моли́ся Сы́ну Твоему́ прегреше́-  
ний оставле́ние дарова́ти / благоче́стно покланя́-  
ющимся всесвято́му Рожде́ству Твоему́.

**Степе́нна, 1-й антифо́н 4-го гласа. Прокі́мен,  
глас 4:** Уста́ моя возглаго́лют премудро́сть, и поуче́-  
ние се́рдца моего́ разу́м. **Стих:** Услы́шите сия́, вси  
язы́цы: **Вся́кое дыха́ние: Ева́нгелие от Иоа́нна,  
зача́ло 35, от полу́.**

**По 50-м псалме́ стихи́ра самогла́сна, глас 6:**

Излия́ся благода́ть во устна́х твои́х, преподо́б-  
не о́тче, / и был еси́ па́стырь Христо́вы Це́ркве, /  
уча́ словесны́я о́вцы / ве́ровати в Тро́ицу  
Единосу́щную / во еди́ном Божестве́.

**Кано́н Пресвяты́я Богоро́дицы со ирмосо́м на 6.  
Глас 8.**

**Песнь 1**

**Ирмо́с:** Во́ду проше́д, я́ко су́шу, / и египетскаго  
зла́ избежа́в, / израи́льтянин вопия́ше: / **Иза́вители-  
ю и Бо́гу на́шему пои́м.**

**Многими** содержимь напáстми, / к Тебé прибегаю, спасéния искйй: / о Мáти Слóва и Дéво! / от тяжких и лóтых мя спасй.

**Страстэй** мя смущаю́т прилóзи / мнóгаго уны́ния испóлнити мою дúшу: / умирй, Отрокови́це, тишино́ю Сы́на и Бóга Твоегó, Всенепорóчная.

**Спáса** рóждшую, Тя и Бóга молю́, Дéво, избáвители ми лóтых: / к Тебé бо ны́не прибега́я, / простираю́ и дúшу, и помышлéние.

**Недúгу́юща** тéлом и душéю, / посещéния Божéственнаго и промыслéния от Тебé сподóби, / едина́ Богомáти, я́ко благáя, Благáго же Родителънице.

**Канóн свята́го на 8, егóже краегранéсие: Дúха** пою́ тя, златóе устó. **Феофáново. Глас 8.**

### **Песнь 1.**

**Ирмос:** *Колесницегонителя фараоня погрузи / чудотвори́й иногда́ / Моисейский жезл, крестообразно порази́в / и раздели́в море, / Изра́иля же беглеца́, пешехóдца, спасе́, / песнь Бóгови воспева́юща.*

**Покая́ния** быв теплэйший проповéдник, Златоусте, / пока́ются мне, óтче, Бóгу моли́ся от всегó сёрдца моего́ / и дрéвних прегрешéний исцелити я́звы / твоим страдáтельством\* умоли́.

**Всю** зарю́ Свята́го Дúха, óтче, приим, / всесвétel явил́ся еси́ столп, предводителен Цёркве, преподóбне, / свétel же óблак, всеблажéнне, / осеня́ющ правосла́вных собо́ры.

**От Христá** рукоположéн учите́ль, / Божéственная учéния златовидным язы́ком, / мыслию́ же Богомúдрою богáтно ты источи́л еси́: / Бóжия бо река́, вод испóлнен Дúха, / явил́ся еси́, Богоявлéнне Златоусте.

**Богорóдичен:** Преукра́шена разли́чием благода́ти, Богора́дованная, / Óтчее Слóво, плоть б́ввшее за благоутрóбие мнóгое па́че ума́ и словесé, / Благословéнная, родила́ еси́, / пребыв́ши Дéва несквёрная.

**Катав́asia:** *Отвёрзу уста́ моя́:*

\* страдáтельство — сострадáтельство, милосердие

### Песнь 3

**Ирмос:** *Небэснаго кру́га Верхотво́рче, Го́споди, / и Це́ркве Зиждите́лю, / Ты мене́ утверди́ в любви́ Твое́й, / желáний кра́ю, ве́рных утвержде́ние, / Еди́не Человеколю́бче.*

**Предста́тельство и покрóв жи́зни мое́й полагаю́** Тя, Богороди́тельнице Де́во, / Ты мя окорми́ ко приста́нищу Твоему́, / благи́х ви́новна, ве́рных утвержде́ние, еди́на Всепе́тая.

**Молю́, Де́во, душе́вное смущéние и печáли мое́й б́урию разоры́ти: / Ты бо, Богоневéстная, нача́льница тишины́, Христа́, родила́ еси́, / еди́на Пречи́стая.**

**Благоде́теля ро́ждши до́брых ви́новнаго, / благодея́ния бога́тство всем источи́: / вся бо мо́жеши, я́ко си́льнаго в кре́пости Христа́ ро́ждши, Богоблаже́нная.**

**Лю́тыми недуги́ и боле́зненными страстьми́ истязáему, / Де́во, Ты ми помози́: / исцелéний бо неоску́дное Ты зна́ю сокрови́ще, / Пренепорóчная, неизживáемое.**

### Ин

**Ирмос:** *Утвержде́й в нача́ле Небеса́ ра́зумом / и зéмлю на вода́х основа́вый, / на ка́мени мя, Христé, заповедей Твои́х утверди́, / я́ко несть свят, па́че Тебе́, еди́не Человеколю́бче.*

**Умо́м Ты Христовым обогáщся, / твои́м чи́стым жити́ем / челове́ком спасéния был еси́ споспéшник и повествова́тель, де́йствитель, Златоу́сте, / учи́тельства точá спаси́тельная, Богодохнове́нне.**

**От невесте́ственных сокрови́щ Ду́ха ты обогати́вся, / от исто́чников спасéния почерпл еси́ приснотеку́щий исто́чник учéний / и напои́л еси́ все́ Це́ркве, преподóбне óтче, лице́.**

**Оляденéвшая душе́вныя, Златоу́сте, нивы, / премудрым земледéланием словéс изчи́стил еси́, му́дре, / и плодоно́сны показáл еси́, / Небэсными т́учами сия напáяя, Богоприятне́.**

**Богорóдичен:** *Поро́ка в Тебе́ и скве́рны несть отню́д, Де́во, / обите́ль же па́че явила́ся еси́ Небэсных бла́гостей, / в Тебе́ бо всели́ся добродéтелей вся свята́ня, Всенепорóчная.*

### Седáлен, глас 8.

Подóбен: Премудрости:

Неизреченныя мýдрости Боговѣдно почерпл еси богатство разума, / всем сокровиществовал еси Православия воды, / верных убо сердца Божественно веселящая, / неверных же мнѣния достойно погружающая: / тем отобоюду благочестия потоми показался еси непобѣдный Троицы поборник, Иоанне Златоусте. / Моли Христа Бога грехов оставление даровати / празднующим любовь святую память твою.

### Слава, подобен тойже:

Сущую свѣше мýдрость познав / и благодать словес от Бога всем просиял еси, яко злато в горниле, / и Святую Троицу, Единицу, проповѣдал еси, / сребролюбную лесть устрелив словесы твоими. / Темже и ревностию царьцу обличив, / Ариево посрамил еси иноплемѣнное кичѣние, Иоанне Златоусте, / моли Христа Бога грехов оставление даровати / празднующим любовь святую память твою.

### И ныне, Богородичен:

Пламень геенский и сгорѣние, / плач, иже в нем и рыданіе, / зело окаяннейшее разлучѣние и горчайшее, святых наслѣдія / и собранія радостнаго, помышляюще, содрогнѣся, душе моя, и возстені\*, / и писанія тмѣнных\*\* долгов твоих истребити потщѣся умилѣнія слезами, / Споспѣшницу непостыдную имущи, Чистую Богомáтерь: / Тоя бо ради прегрешѣній даѣтся оставленіе / Сію Богородицу православно славадим.

### Песнь 4

**Ирмос:** Услѣшаш, Господи, / смотрѣнія Твоего таинство, / разумѣх дела Твоя / и прославих Твое Божество.

Страстей моих смущѣние, / Кормчию рождающая Господа, / и бурю утиши моих прегрешѣній, Богоневѣстная.

\* возстені — восплачь, воздохни

\*\* тмѣнный — бесчисленный

**Милосердия Твоего бездну призывающе** подаждь ми, / **яже Благосердаго рождающая и Спаса всех поющих Тя.**

**Наслаждающиеся, Пречистая, Твоих дарований,** / **благодарственное воспеваем пение,** / **ведущее Тя, Богоматерь.**

**На одре болезни моея и немощи низлежащу ми,** / **яко благолюбива, помози, Богородице,** / **единая Приснодево.**

**Надежду, и утверждение,** / **и спасения стену недвижиму имущее Тя, Всепетая,** / **неудобства всякаго избавляемся.**

### Ин

**Ирмос: Ты моя крепость, Господи,** / **Ты моя и сила,** / **Ты мой Бог, Ты мое радование,** / **не оставль недра Отца,** / **и нашу нищету посетив.** / **Тем с пророком Аввакумом зову Ти:** / **силе Твоей слава, Человеколюбче.**

**Инаго нам апостолов единоправнаго,** / **иже промышленiem всех промышленяя,** / **яко Благ, даде Христос тя,** / **Небеснаго тайноводства проповедника** / **и Божественнаго сказателя таин Горних,** / **Иоанне всеблаженне, Златоусте.**

**Златозарнаго и златословеснаго, почтим Златоустаго Иоанна,** / **вся позлатившаго златовидными сиянии учения** / **и мир языком просветивша,** / **злата светлейшим и света полнейшим,** / **источающим благодать Божественную.**

**Весь был еси Божие жилище,** / **весь явился еси орган Духа,** / **возглашающ всякия добродетели Богодохновенную песнь,** / **и спасения вину,** / **и доброту являя Небеснаго Царствия,** / **Иоанне всеблаженне Златоусте.**

**Ты Божие благоутробие проповедал еси,** / **покаяния образы излагая,** / **и злых отбежания изящнейше поучая,** / **преблаженне и всесовершеннейше,** / **и о делех изрядных поучения источая,** / **всечестне отче Златоусте.**

**Богородичен: По Бозе представительницу Тя** **стяжахом,** / **Ты бо Божия Мати была еси Творца и Содетеля,** / **и наш зрак приемшаго, Всенепорочная,** / **и сей спасающего от тли и смерти** / **и славою Божественною прославившаго.**

### Песнь 5

**Ирмос:** Просвети нас повелении Твоими, Господи, / и мышцею Твоею высокою, / Твой мир подаждь нам, / Человеколюбче.

Исполни, Чистая, веселия сердце мое, / Твою нетленную даючи радость, / веселия рождающая Виновнаго.

Избави нас от бед, Богородице Чистая, / вечное рождающая избавление / и мир, всяк ум преимуший.

Разрешит мглу прегрешений моих, Богоневесто, / просвещением Твоей светлости, / Свет рождающая Божественный и Превечный.

Исцели, Чистая, души моей немощение, / посещения Твоего сподобляющая, / и здравие молитвами Твоими подаждь ми.

### Ин

**Ирмос:** Вскую мя отринул еси / от лица Твоего, Свете Незаходимый, / и покрыла мя есть чуждая тьма, окаяннаго; / но обрати мя и к свету заповедей Твоих / пути моя направи, молюся.

Церковнаго светильника вси ты веми световиднейшаго / и душам спасительнаго, / восхещающаго сия из гортани смертоносныя / и к жизни путеводяща вечней, / отче приснопеваемый.

Разрушаеши ополчения еретичествующих, треблаженне, / оградився благочестия оружии и мужеством души, священнейше, / собираеши же, радуясь пресветло, / православных лики союзом Духа.

Исполнены, якоже фиалы, Божественных аромат ланиты твоя / и вселенную умными благовоении веселят / мироварным тайноводством разумений / и добротой словес твоих, всеумдре.

**Богородичен:** Яко Бога зачещи, Содетеля же, и Зиждителя, и Господа, / роди Ты вси человечести, Чистая, ублажают, / и Бестелесных разумная чиноначалия / яко Матерь Божию Ты славят.

### Песнь 6

**Ирмос:** Молитву пролию ко Господу / и Тому возвещу печали моя, / яко зол душа моя исполнися, / и живот мой аду приближися, / и молюся, яко Иона: / от тли, Боже, возведи мя.

**Смёрти** и тли яко спасл есть, Сám Ся издав смёрти, / тлением и смёртию мое естество ято бЫвшее, / Дёво, моли́ Гóспода и СЫна Твоегó / врагов злодействия мя избáвити.

**Предстáтельница** Тя животá вем, и хранительницу твёрду, Дёво, / и напáстей решáщу молвы, и нало́ги бесов отгоняюще, / и молю́ся всегда́ от тли страстéй моих избáвити мя.

**Яко стéну**, прибéжища стяжáхом, и душ всесовершенное спасéние, / и прострáнство в скорбех, Отрокови́це, / и просвещéнием Твоим прísно радуемся, о Влады́чице, / и ны́не нас от страстéй и бед спаси́.

**На одрэ ны́не** немощству́яй лежý, и несть исцелéния плóти моёй. / Но Бóга, и Спáса мíру, и Избáвителя недúгов рóждшая, / Тебé молю́ся, Благо́й, от тли недúг возста́ви мя.

### Ин

**Ирмос:** *Очисти* мя Спáсе, / мнóга бо беззакóния моя, / и из глубины́ зол возведи́, молю́ся: / к Тебé бо возопих, и услы́ши мя, / Бóже спасéния моего́.

**Мúдростию** духóвною мир весь обогати́л еси́, / словесé раздавателъ быв богáтый: / богáта бо свЫше, иерáрше, / благодáть излия́ся твоим устнáм.

**Во всю**, яко мóлния, зéмлю изы́де вещáние твоё, / и сýла же твоих глагóл, Златоúсте, / яко труба́ велегласная, вселénныя вся огласи́ концы́.

**СвЫше** во исткáнную рíзу одéявся, всеблажéнне, добродéтелей / и словéс красотóю обложився, / истины явился еси́ слáвное утверждéние.

**Богорóдичен:** **Вседержительною** сýлою нося́й вся́ческая, / в немощнóю плóть из Тебé одéявся, Дёво Пренепорóчная, / на благоде́яние челове́ков Человеколюбец.

### Конда́к, глас 6.

**Подóбен:** *Ёже* о нас испóлнил:

**О**т Небéс прия́л еси́ Божéственную благодáть / и твоими устнáми вся учи́ши / поклоня́тися в Трóице еди́ному Бóгу, / Иоáнне Златоúсте, всеблажéнне преподóбне, / достóйно хвáлим тя: / еси́ бо наста́вник, яко Божéственная явля́я.



**Икос:**

**Всех Творцú преклоняю колéна, / превéчному  
Слóву рúки простираю, / слóва ищá даровáние, да  
воспою преподóбнаго, егóже Сам возвелíчи, /  
глаголет бо прорóком Живýй во вéки: / прослáвлю  
вéрою слáвлящя Мя. / Йже úбо в дрéвних Самуýла  
возвýсивый, прослáви ныне иерáрха: / талáнт бо,  
емýже ввэрился, дóбре кúпльствовав, Царю прине-  
сé, / тем и превозвýшши его Пресúщественный. /  
Сегó благодáти прошú недостóйный аз слóво  
прияти ми, / да возмогú благочéстно воспéти тогó: /  
концéй бо той есть настáвник, я́ко Божéственная  
явля́я.**

**Песнь 7**

**Ирмос: От Иудéи дошédше, óтроцы / в Вавилóне  
иногда / вéрою Трóйческою пла́мень пéщный по-  
пра́ша, пою́ще: / отцéв Бóже, благословéн еси́.**

**Нáше спасéние, я́коже восхотéл еси́, Спáсе,  
устрóити, / во утрóбу Дéвы всели́лся еси́, / Ю́же  
ми́ру Предстáтельница показáл еси́: / отéц нáших  
Бóже, благословéн еси́.**

**Воли́теля мýлости, Егóже родилá еси́, Мáти  
Чýстая, / умоли́ избáвиться от прегрешéний и  
душе́вных скверн вéрою зовýщим: / отéц нáших  
Бóже, благословéн еси́.**

**Сокрóвище спасéния, и истóчник нетлéния Тя,  
Рóждшую, / и столп утверждéния, и дверь пока-  
я́ния зовýщим показáл еси́: / отéц нáших Бóже,  
благословéн еси́.**

**Телéсныя слáбости и душе́вныя недúги, Богоро-  
дíteльнице, / любóвию приступáющих к крóву  
Твоемý, / Дéво, исцели́ти сподóби, / Спáса Христá  
нам рóждшая.**

**Ин**

**Ирмос: Бóжия снизхождéния / огонь устыдéся в  
Вавилóне иногда, / сегó рáди óтроцы в пещи́  
ра́дованною ного́ю, / я́ко во цвётнице, ликýюще,  
по́яху: / благословéн еси́, Бóже отéц нáших.**

**Блáгости бéздну и благоутрóбия навýк Бó-  
жия, / порúчник яв́ился еси́ спасéния кáющимся  
тéпле / и вседúшно Гóсподу зовýщим: / благосло-  
вéн Бог отéц нáших.**

**У**правляеши, Златоусте, учении твоими всякую мысль, / и душевные врачуеши немощи, яко сострадательнейший, / и благотекущим споеши, веселяся: / благословен Бог отец наших.

**В**озвысился еси, быв избран, / преподобен, незлобив, священник Высочайшаго, / правдою одеян светло и веселием, зовый, всебогате: / благословен Бог отец наших.

**Богородичен:** Зачала еси, Пречистая, Сущаго над всеми Бога и Господа, / благоволившаго спасти человеческий род от тления и смерти. / Егоже, достойно поюще, зовем: / благословен Бог отец наших.

### Песнь 8

**Ирмос:** Царя Небеснаго, / Егоже поют вси Ангельстии, / хвалите и превозносите во вся веки.

**П**омощи яже от Тебе требующия не презри, Дево, / поющия и превозносящия Тя во веки.

**Н**еможение души моея исцеляеши и телесныя болезни, Дево, / да Тя прославлю, Чистая, во веки.

**И**сцелений богатство изливаеши верно поющим Тя, Дево, / и превозносящим неизреченное Твое Рождество.

**Н**апастей Ты прилоги отгоняеши / и страстей находы, Дево. / Темже Тя поем во вся веки.

### Ин

**Ирмос:** Седмерицею пещь / халдейский мучитель / Богочестивым неистовно разжже, / силу же лучшую спасены, сия виде, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.

**И**же разумно словесем твоим беседующе, Златоусте, / Богословия честному учимся, / и всеплодствуем благих полезное, / и злобы отбегаем вреда: / общий бо строитель спасения был еси, вопия: / превозносите Христа во веки.

**З**а ны моли Владыку, Златоусте, / сострадательнейшее дерзновение имея / и милостивною и человеколюбною твоею, отче, любовью: / ты бо ко Спасу предлагаем, вернии, ходатая же, и предста-

теля, / и теплѣйша моли́твенника, Богому́дре иерáрше, всеблаже́нне Иоáнне.

**Юношское** противлѣние, и непреклóнное мудровáние, / и цáрствующих неправду обличил еси́, / тепле предстáтельствуюя обидимыя, преподóбне; / и сирóт, и вдóв, и ни́щих отец был еси́ любóвным предложѣнием, / превозносите, вопия́, Христа́ во вѣки.

**Богорóдичен:** Телѣсными образовáнии, и различными гадáнии, / и символическими, и знаменáтельными предьявлѣньми, / Твое́ провозвестíша Богоглагóливии рожде́ство, / преестѣственное и чúдное, Дѣво; / тем Тя, веселя́щися, благочѣстно воспевáем, / Христа́ превознося́ще во вся вѣки.

### Песнь 9

**Ирмо́с:** *Войстинну Богóродицу / Тя исповѣдуем, / спасѣннии Тобóю, Дѣво Чíстая, / с Безплóтными ли́ки Тя велича́юще.*

**То́ка** слез мо́их не отврати́ся, / я́же от всякаго лица́ всяку слѣзу отъѣмшаго, / Дѣво, Христа́ рóждшая.

**Рáдости** моѣ сѣрдце испóлни, Дѣво, / я́же рáдости приѣмшая исполне́ние, / грехóвную печáль потребляющи.

**Свѣта** твоегó заря́ми просвети́, Дѣво, / мрак неведѣния отгоня́щи / благовѣрно Богорóдицу Тя исповѣдающих.

**На** мѣсте озлоблѣния немо́щи смири́вшагоя, Дѣво, исцели́, / из нездра́вия во здравие претворя́ющи.

### Ин

**Ирмо́с:** *Ужасѣся о сем Не́бо, / и земли́ удивíшася концы́, / я́ко Бог яви́ся челове́ком плóтски, / и чре́во Твое́ бысть пространнейшее Небѣс: / тем Тя, Богорóдицу, / Ангелов и человекó чиноначáлиа велича́ют.*

**И́стинно** наслажда́йся, óтче, жи́зни, / о нейже подви́зálся еси́, ели́ко мо́чно, / на земли́ жити́ем преизя́ществовав А́нгельским / и Хри́стов стяжав язы́к и уста́ тихая: / спасти́ся, Богоглагóливе, моли́ ты вѣрою изя́щне блажа́щим.

**Словеса́** твоя́, треблаже́нне, словеса́ жи́зни, /

жизнь ходатайствующая неконечную:/ ты бо источника текуща показá Христос / и реку, проливающу Божественных потоки учений,/ сладости истинно поток, оставления же струю / и покаяния свѣтла проповѣдника.

**Ходатай явился еси, священноначальниче, Бóга и человеков пресвѣтлый, / ты бо свѣтильник явился еси благочестия Богосвѣтлый / и Божественнаго знáния и мѣлостыни наказáтель:/ тем ты, златослóве, сердéчною любóвию ныне достóйно величáем.**

**Богорóдичен: Чѣстая препрослáвленная Мáти Бóжия, / поющая Тя любóвию спаса́й, / искушénий молвú разрешáющи мѣлостивно. / Яко бо Бóга рóждши, / вся, елико хóщещи, совершáеши, / успева́еши невозбáнно и мóжещи, Дéво. / Тем Тя вси величáем.**

### Свѣтилен.

Подóбен: Дúхом во свѣтилицѣ:

**Златозáрными словесы твоими Христóва Цérковь свѣлѣется ясно, / о Златоусте óтче! / Дúши же веселя́тся вѣрных, почита́ющихи всесвятúю твою пáмять, / ты бо всем показáлся еси покая́ния наставник и вождь спасéния.**

### Слáва, иный.

Подóбен: Жéны, услышите:

**Великогласнейшаго покая́ния проповѣдника, / сокровище убóгих, / уста Цérкве златáя и благоглаго́ливая, писáний явлéние, / Иоáнна всемúдраго да восхва́лим вси, / я́ко от тогó утвердившеся.**

### И ны́не, Богорóдичен:

**Дéво Всенепорóчная, / Господжé мой и Влады́чице, / Твоегó Сы́на умоли́ с слáвным Златоустом / напáстей избáвиться всяческих пою́щим Тя / и вѣчных получи́ти благ, Всесвята́я: / мóжещи бо, ели́ка хóщещи.**

### На хвалíteх стихíры на 4, глас 4.

Подóбен: Дал еси зна́мение:

**Сосúд честнейший Божественнаго Дúха был еси / и пáстырь священнейший, / А́нгел на земли, столп церкóвный и догмáтов степéнь, / грéшных поручник, ка́ющихся Божественное утешéние, /**

нищих же промысленник и сирот утешение, /  
Иоанне Златоусте, / молитвенниче о душах наших.

Солнце многосветлое, / вселенную словесы твоими озаряя, / был еси звезда светлейшая, / свеща светящая зарю, / иже в мори мира всегда обуреваемая / привлекаая ко пристанищу тишайшему / спасения благодатию, златослове Златоусте, / молитвенниче о душах наших.

Ангел земный и Небесный человек, / славий \* добродетельный, / река, исполняема словесных вод, / облак тучи разумных, / всем нам богато каплющий, / спасения учитель и покаяния споспешник, / Иоанне Златоусте, воистинну был еси.

Неправедно от паствы твоея изгнан, отче преподобне, / приобщился еси скорбем и горьким заточением, / в нихже удостоился еси блаженные кончины, / аки доблестственный страдалец, / победив многокóзненного, / и победы диадимою тя Христос венча, / Иоанне Златоусте, / молитвенниче о душах наших.

### Слава, глас 8. Анатоліево:

Златыми словесы и Боговещанными учением / украсив Божию Церковь, / богатство духовное сокровищствовал еси в ней, / твоя Богопреданная словеса. / Тем венец из нетленных цветов сплетши песнями, / священней твоей приносит памяти, / всезлатый душею с языком, Иоанне Богомудре, / но, яко имея дерзновение, преподобне, / молися о душах наших.

### И ныне:

Владычице, прими молитву раб Твоих, / и избави нас / от всякия нужды и печали.

**Славословие великое. И отпуст.**

### НА ЛИТУРГИИ

**Блаженны от канона, песнь 3-я и 6-я. Прокимен, глас 1:** Уста моя возглаголют премудрость, и поучение сердца моего разум. **Стих:** Услышите сия, вси языцы, внушите вси живущии по вселен-

\* славий — соловей

**ней. Апостол ко Евреям, зачало 318. Аллилуйя, глас 2: Уста праведнаго поучатся премудрости: Евангелие от Иоанна, зачало 36. Причастен: В память вечную будет праведник: На трапезе бываает братии великое утешение.**

**Святитель Иоанн Златоуст, архиепископ Константинопольский.**

Светить всему миру светом Истины призвал Своих последователей Господь наш Иисус Христос (Мф. 5, 14). Всесильной десницей поставлял Он сынов света (Ин. 12, 36) в Церкви Своей, пред Богодухновенными словами которых закрывались уста эллинских философов и риторов и еретики оказывались безгласными.

Великий учитель Церкви Христовой святитель Иоанн Златоуст родился в Антиохии около 347 года в семье военачальника Секунда. Мать святого Иоанна, Анфуса, оставшаяся в двадцать лет вдовой, отдала все силы на воспитание сына в христианском благочестии.

Юноша учился у лучших философов и риторов и получил хорошее светское образование. Изучая эллинскую мудрость, будущий Святитель избегал роскоши и соблазнов светской жизни. Он тщательно и глубоко изучал Священное Писание и устремлялся к молитвенному созерцанию. Святитель Мелетий, епископ Антиохийский (память 12 февраля), наставлял его в вере и в 367 году крестил.

Через три года святой Иоанн был поставлен во чтеца. После того, как святитель Мелетий был отправлен в ссылку, Иоанн учился у опытных наставников подвижнической жизни — пресвитеров Флавиана и Диодора Тарсийского.

По смерти матери он, раздав имение, принял монашество, которое называл «истинной философией», и вместе с другом Василием удалился в пустыню, избегая назначения на епископскую кафедру. Однако святой Иоанн, сам уклонившись по смирению от архиерейства, тайно содействовал посвящению Василия. В то время святой Иоанн написал «Шесть слов о священстве». Четыре года провел святой в трудах пустынножизненного жительства. Однажды во время

молитвы Иоанну явились святые апостолы Иоанн Богослов и Петр. Апостол Иоанн Богослов передал подвижнику свиток и сказал: «Возьми этот свиток. Я — Иоанн, возлежавший на Тайной Вечери на персях Господа и от Него почерпнувший Божественные откровения. Господь дарует и тебе знание глубины Премудрости, чтобы ты напитал людей учением Христовым и своими устами заградил уста еретиков». Апостол Петр передал ключи святому Иоанну со словами: «Господь и тебе передает ключи Церкви, дабы, кого ты свяжешь, тот был связан, а кого разрешишь — разрешен». Святые Апостолы предсказали будущему великому учителю Церкви, что он после великих трудов и скорбей наследует Царство Божие.

В том же монастыре святой Иоанн написал три книги «Против вооружающихся на ищущих монашества» и сочинение «Сравнение инока с царем», проникнутые высоким представлением о достоинстве иноческого звания. Два года святой соблюдал полное безмолвие, находясь в уединенной пещере. Для восстановления здоровья Иоанн возвратился в Антиохию.

В 381 году святитель Антиохийский Мелетий рукоположил его во диакона. Последующие годы были посвящены работе над творениями: «О Провидении» («К Стагирию подвижнику»), «Книга о девстве», «К молодой вдове» (два слова), «Книга о святом Вавиле и против Юлиана и язычников».

«Не может укрыться город, стоящий на веру горы. И, зажегши свечу, не ставят ее под сосудом, но на подсвечнике, и светит всем...» (Мф. 5, 14—15), — сказал Господь. Будущий светильник не укрылся от опытного взгляда Антиохийского епископа Флавиана, и в 386 году он рукоположил святого Иоанна во пресвитера, с возложением обязанности проповедо-

вать Слово Божие. Святой Иоанн оказался способным проповедником. Его ревность к возведению Слова Божия вознаграждалась любовью паствы к слушанию и чтению его поучений. Удивительное красноречие Богодухновенного проповедника, воспламенявшего души, привлекало к нему людей всех сословий и возрастов, не только православных христиан, но и еретиков, и даже язычников. Из уст святого Иоанна изливалась такая благодать, что все слушающие не могли насытиться сладостью его слов. Многие записывали его проповеди и давали другим для чтения. Все жаждали услышать его слово, и потому на его проповеди стекалось множество народа.

Некоторые называли его устами Божиими и Христовыми, другие — Сладкоглаголивым или Медоточивым, а одна простая женщина назвала его Златоустом. С того времени все начали называть его так за редкий дар Богодухновенного слова.

Двенадцать лет святой, обычно дважды в неделю, а иногда — каждодневно, проповедовал в храме.

В пастырской ревности о наилучшем усвоении христианами Священного Писания святой Иоанн обращался к толкованию Слова Божия. Среди его экзегетических творений — толкования на многие книги Священного Писания (Бытия, Псалтирь, Евангелия от Матфея и от Иоанна, Послания апостола Павла) и множество бесед на отдельные тексты святой Библии, а также поучения на праздники, в похвалу святых и апологетические слова (против аномеев, иудействующих и язычников).

Росла слава святого проповедника, и в 397 году по преставлении Константинопольского архиепископа Нектария, преемника святителя Григория Богослова, он был поставлен архиепископом Константинопольским. Вступив в управление Церковью, святой архипастырь исправил неустройства и с большим терпением водворил порядок.

Он стал ревностно пасти вверенное словесное стадо Христово, обращая особое внимание на духовное совершенствование священства. И здесь лучшим примером был он сам.

Расходы, которые предназначались для архиепископа, святой обратил на содержание нескольких больниц и гостиниц для паломников, сам довольствовался скудной пищей.

Ревность Святителя к утверждению христианской веры распространилась не только на жителей Византии, но и на другие страны, куда святитель Иоанн направлял ревностных миссионеров и писал послания.

Много трудов положил Святитель на устройство благолепия Богослужения: составил чин литургии, и доныне сохранившей его имя, учредил крестные ходы, ввел антифонное пение за всеобщим бдением. Его заботами построено много храмов, странноприимных домов и больниц.

Распушенность столичных нравов, особенно императорского двора, нашла в лице святителя нелицеприятного обличителя. Враги святителя Иоанна, поощряемые раздражительной и мстительной царицей Евдоксией, устроили неправедный собор и добились низложения святого архиепископа с кафедры и изгнания его сначала в Армению, а потом в Абхазию.

В последнем слове к константинопольцам, скорбевшим о том, что они остаются без назидания, отправлявшийся в ссылку святитель Иоанн сказал: «Не мной началась проповедь, не мной и кончится».

Истощенный болезнями, Святитель в сопровождении конвоя три месяца в дождь и зной совершал свой последний переход. В Команах силы оставили его. У склепа святого Василиска (память 22 мая), утешенный явлением святого мученика, сказавшего: «Не унывай, брат Иоанн! Завтра мы будем вместе», причастившись Святых Таин, вселенский Святитель 14 сентября 407 года отошел ко Господу.

Духовное величие Святителя, поражающее всех его современников, просияло и в последних словах: «Слава Богу за всё!»

Угодник Божий, в течение всей своей жизни мужественно несший свой крест, умерший для мира и сораспявшийся Христу, скончался в день памяти Честного Креста Господня.